



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

quia *Christus dicit: Es sey dann daß der Mensch ge-
born werde. Ioan. 3. Nisi quis natus fuerit, &c.*

Antipharmacum.

QVAMVIS Ioannis cap. 3. non dicatur absolute; nisi quis natus fuerit; sed, *nisi quis renatus fuerit denuò*; hoc est, secundo, per natiuitatem spiritalem, quam scriptura vocat, *regenerationem*, quæ in baptismo perficitur; id tamen non refert. quia *Cassia* nostro plenum suppetit ius, scripturas arbitrato suo citandi, explicandi, vertendi, flectendi & inflectendi: hinc etiam iure suo fingere hîc potuit; Christum dicere; hominem non posse introire in regnum Dei, atque adeo neque baptizari, nisi prius plenè & perfectè ex vtero materno processerit: licet membro aliquo ex præcipuis exstet; quod paulò post in S. *Von der Tauffe / so von Weibern in der Noth geschicht: De Baptismo, qui à mulieribus in casu necessitatis confertur*; Lutherus iterum ingerit.

Vide autem, quàm acutè probet Lutherus suam opinionem: *Quia anima non est tota in qualibet parte infantis: Ergo homo non potest baptizari, nisi plenè & perfectè exierit ex vtero. Diser Jerhumb Kompe vom Aristotele her / der schreibt / daß die Seel sey in einem ledlichen Stuck / oder Gliedmas der Menschen. Error iste* (infantes exstantes membro aliquo principaliore, baptizari posse, cum scilicet periclitantur de vita) *natus est ex Aristotele, qui scribit, animam esse in qualibet parte seu membro hominis. Vbi innuit Lutherus, animam humanam non esse totam in toto, & totam in qualibet parte hominis; sed totam in toto, & partim seu partialiter, in parte; atque adè eam esse diuisibi-*

lem; & quod hinc consequitur, mortalem: vel certè, animam rationalem, non esse in qualibet parte hominis, etiam principali, qualis pars est caput, manus, pes; sed in nonnullis duntaxat. Quæ autem sunt illæ partes?

In Colloquiis Latinis fol. 132. b. planè contrarium docet. Ait enim: *Anima est in qualibet corporis parte. Quidam ex hoc fundamento baptizant nondum plenè editum fœtum.* Nec mirari debes, si antilogiis sese Casista noster consauciet: quia hic est sollemnis ei, & à natura institutus mos, cædere vineta sua.

Luth. lib. cit.

Quæritur XIX. Num infans, qui parte aliqua sua exstabat, absque baptismo saluetur; si expiret, antequam totus ex utero prodeat. Respondet resolutissimus noster Casista, affirmatiuè: *hac tamen lege; ut qui intersunt flectant genua, Deumq; precentur, ut infantulum illum passionis & mortis sua participem efficere velit: hac enim ratione Christo sistitur infans; & ab eodem in gratiam recipitur, iuxta illud; sinite paruulos venire ad me: quia talium est regnum coelorum. Nec dubitandum est, huiusmodi infantem à beatitudine non excidere; quamuis baptisate non fuerit tinctus.*

Antipharmacum.

Si obiicias: scriptum esse Ioan. 3. *Nisi quis renatus fuerit denud, non potest videre regnum Dei.* Item; *Nisi quis renatus fuerit ex aqua & Spiritu sancto, non potest introire in regnum Dei.* Ex quo sequitur, infantem, de quo Luthe- ro est sermo, beatitudinem non adepturum: quando- quidem preces pro illo fusæ, nec sunt baptismus fluminis, nec flaminis, nec sanguinis, (quæ tria baptismi genera agnoscit etiam Casista noster, titulo *de Baptismo.*) id
Luthe-